

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Sooq Kuummiuni kiisalu sinerissami sumiiffinni allani innuttaasut aalisarnermut akuersisummik qinnuteqarsimasut sulii akisummik tigusaqarsimanngillat?
2. Aalisarnermut akuersisummik qinnuteqaatit maanna suliarineqarnissaat utaqqisuniittut qassiuppat – immikkoortortakkaarlugit kommunekkaarlugillu?
3. Tunumi Kitaanilu aalisarnermut akuersissutitut qinnuteqaatit agguaqatigiissillugu qanoq sivilutigisumik suliarineqartarpat?
4. Sivilutisumik suliarinnittoqarneranut suna peqqutaava – sulisut amigaaqatigineqarnerat, politikkikkut pingaarnersiuinerit, maleruagassat nutaat imaluunniit ingerlatsinermit periutsit?
5. Naalakkersuisut isumaqarpat aalisartut ingerlatsivimmit utaqqisitaaneq pissutigalugu piffissanik isertitassaraluaminnillu annaasaqartut naapertuuttoq?
6. Suliat sukkannerusumik suliarineqarnissaat anguniarlugu Naalakkersuisut qanoq iliuuseqarniarpat?

(Inatsisartunut ilaasortaq Jens NapátôK', Naleraq)

Tunngavilersuutit:

Aalisarnermut nunaqarfinni illoqarfinnilu minnerusuni inuuniarnermut tunngavigineqarpoq. Allaffissornikkut akuersisummik utaqqisitsineq – tassaavoq isertitaqarsinnaanerup kinguarsarnerqarnera, toqqissiviillioortitsineq aammalu oqartussanut tatiginninnerup sanngiillisarnerqarnera. Takuneqarsinnaavoq tamanna Kuummiuni kisimi pisoqanngitsoq, kisianni sinerissami arlalinni ataatsimut atuuttoq. Taamaattoqaraangat ataasiakkaanut ajornartorsiutaanngilaq – ingerlatsinermilli ajornartorsiutaavoq. Innuttaasut oqartussanit sukumiisumik sukkasuumillu sullinneqarnissartik pisinnaatitaaffigaat, pingaartumik inuussutissarsiutini piffissamut attuumassuteqartuni, piffissap pingaaruteqarluinnartillugu.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.